

**G**lória in excélsis Deo. Et in terra pax hominibus bonæ voluntátis Laudámus te. Benedícimus te. \*Adorámus te. Glorificámus te. \*Grátias ágimus tibi propter magnam glóriam tuam. Dómine Deus, Rex cæléstis, Deus Pater omnípotens. Dómine Fili unigénite, \*Jesu Christe. Dómine Deus, Agnus Dei, Fílius Patris. Qui tollis peccáta mundi, miserére nobis. Qui tollis peccáta mundi, \*súscipe deprecationem nostram. Qui sedes ad dexteram Patris, miserére nobis. Quóniam tu solus Sanctus, tu solus Dóminus, tu solus Altíssimus, \*Jesu Christe. Cum Sancto Spíritu †, in glória Dei Patris. Amen.

*Inclinandosi profondamente, dice sottovoce:* **M**unda cor meum ac lábia mea, omnípotens Deus, qui lábia Isaíæ prophétæ cálculo mundásti igníto: ita me tua grata miseratióne dignáre mundáre, ut sanctum Evangélium tuum digne váleam nuntiáre. Per Christum Dóminum nostrum. Amen. **J**ube, Dómine, benedícere. Dóminus sit in corde meo, et in lábiis meis, ut digne et competénter annúntiem Evangélium suum. Amen.

**C**redo in unum \*Deum, Patrem omnipoténtem, factórem cæli et terræ visibílium ómnium et invisibílium. Et in unum Dóminum \*Jesum Christum, Fílium Dei unigénitum. Et ex Patre natum ante ómnia sæcula. Deum de Deo, lumen de lúmine, Deum verum de Deo vero. Génitum, non factum, consubstantiálem Patri: per quem ómnia facta sunt. Qui propter nos hómines, et propter nostram salútem descendit de cælis. *(Si genuflette)* Et incarnátus est de Spiritu Sancto ex Maria Vírgine: et homo factus est. Crucifíxus etiam pro nobis: sub Póntio Piláto passus, et sepúltus est. Et resurrexít tértia die, secúndum Scriptúras. Et ascendit in cælum: sedet ad dexteram Patris. Et íterum ventúrus est cum glória judicáre vivos et mórtuos: cujus regni non erit finis. Et in Spíritum Sanctum, Dóminum et vivificántem: qui ex Patre Filióque procedit. Qui cum Patre, et Fílio \*simul adorátur, et conglorificátur: qui locútus est per Prophétas. Et unam, sanctam, cathólicam et apostólicam Ecclésiám. Confíteor unum baptísma in remissionem peccatórum. Et expécto resurrectionem mortuórum. † Et vitam ventúri sæculi. Amen.



**Q**ui pridie quam paterétur, accépit panem in sanctas ac venerábiles manus suas, et elevátis óculis in cælum ad te Deum Patrem suum omnipoténtem tibi grátias ágens, bene ✠ dixit fregit, dedítque discíplis suis dicens: Accípite et manducáte ex hoc omnes:

HOC EST ENIM CORPUS MEUM.

**S**imili modo postquam cœnátum est, accípiens et hunc præclárum Cálicem in sanctas ac venerábiles manus suas item tibi grátias agens bene ✠ dixit dedítque discíplis suis dicens: Accípite et bíbite ex hoc omnes:

HIC EST ENIM CALIX SÁNGUINIS MEI,  
NOVI ET ÆTERNI TESTAMENTI MYSTÉRIUM FÍDEI  
QUI PRO VOBIS ET PRO MULTIS EFFUNDÉTUR IN  
REMISSIONEM PECCATORUM.

Hæc quotiescúmque fecéritis,  
in mei memoriam faciétis.

*Nella Messa solenne e cantata l'officiante benedice l'incenso:*

**P**er intercessiónem beáti Michaélis Archángeli, stantis a dextris altáris incénsi, et ómnium electórum suórum, incénsum istud dignétur Dóminus bene ✠ dícere, et in odórem suavitátis accípere. Per Christum Dóminum nostrum. Amen.

*Ricevuto il turibolo dal diacono oppure dal ministrante, incensa le offerte (come prevedono le Rubriche) dicendo:*

**I**ncénsum istud, a te benedíctum, ascendat ad te, Dómine, et descendat super nos misericórdia tua.

*Sale all'altare dicendo sottovoce:* **A**ufer a nobis, quæsumus, Dómine, iniquitátes nostras: ut ad Sancta sanctorum puris mereámur méntibus introíre. Per Christum Dóminum nostrum. Amen.

*Dipoi si china e, poggiate le mani sulla mensa, prosegue sottovoce:* **O**rámus te, Dómine, per mérita Sanctorum tuórum, *(bacia l'altare nel mezzo)* quorum reliquiæ hic sunt, et ómnium Sanctorum: ut indulgere dignéris ómnia peccáta mea. Amen.

*Offrendo il pane:* **S**úscipe, sancte Pater, omnípotens ætérne Deus, hanc immaculátam hóstiam, quam ego indignus fámulus tuus offero tibi, Deo meo vivo et vero, pro innumerábilibus peccátis, et offensionibus, et neglegéntiis meis, et pro ómnibus circumstantibus, sed et pro ómnibus fidélibus cristiánis vivis atque defúntis: ut mihi et illis proficiat ad salútem in vitam ætérnam. Amen.

*Offrendo il calice:* **O**fferimus tibi, Dómine, cálicem salutáris, tuam deprecántes cleméntiam: ut in conspéctu divinæ majestátis tuæ, pro nostra et totíus mundi salúte, cum odóre suavitátis ascendat. Amen.

*Alquanto inchinato e, con le mani giunte sull'altare, dice:* **I**n spíritu humilitátis et in ánimo contríto suscipiámur a te, Dómine: et sic fiat sacrificium nostrum in conspéctu tuo hódie, ut pláceat tibi, Dómine Deus.

*Invoca lo Spirito Santo e benedice le offerte:* **V**eni, sanctificátor, omnípotens ætérne Deus: et béne ✠ dic hoc sacrificium, tuo sancto nómini præparátum.

*Alla fine della Messa, prima della benedizione, dice sommamente:* **P**láceat tibi, sancta Trínitas, obséquium servitútis meæ: et præsta; ut sacrificium, quod óculis tuæ majestátis indignus obtuli, tibi sit acceptábile, mihique et ómnibus, pro quibus illud obtuli, sit, te miseránte, propitiábile. Per Christum Dóminum nostrum. Amen.